

Dumonda da la fracziun da la PBD concernent la realisaziun da las recumandaziuns da la CPI

Il rapport parzial voluminus da la cumissiun parlamentara d'inquisiziun «Cartel da construcziun» concernent l'investigaziun da las acziuns da la polizia e dal cumportament d'ulteriurs posts involvids envers A.Q. sco er da l'execuziun da la surveglianza da tut ils posts involvids directamain u indirectamain en las acziuns da la polizia cuntegna sin pagina 171 sut il chapitel H. propostas e recumandaziuns per l'avegnir.

Tenor il rapport parzial èn vegnidas scuvidas intginas mancanzas en las trais acziuns da la polizia che han gi lieu en quest connex. Dal punct da vista d'in chantun democratic che funcziuna ston questas mancanzas vegnir eliminadas uschè svelto sco pussaivel.

Las enconuschientschas decisivas en il sector da la documentaziun dals acts administrativs èn vegnidas registradas en ina dimensiun ed en ina qualitat minimala ubain n'èn insumma betg vegnidas registradas. Er n'è l'attenziun giuridica per part betg vegnida concedida a las personas pertutgadas. L'investigaziun n'ha per gronda part betg pudì sa basar sin documents existents u mo en ina dimensiun minimala. Las enconuschientschas dal rapport han stuì vegnir rimnadas en interrogaziuns ed han perquai chaschunà gronda lavur e blers custs. Er èn vegnidas scuvidas mancanzas en il cumportament da direcziun. Perquai che la comunicaziun è stada insufficienta, han quellas chaschunà in cumportament sbaglià. Spezialmain èsi vegnì remartgà che instrucziuns da servetsch internas èn vegnidas applitgadas mo manglusamain.

Las sutsegnadras ed ils sutsegnaders tschantan en quest connex las suandantas dumondas:

1. Tge instrucziuns per agir correctamain sin plaun administrativ èn vegnidas fixadas suenter avair survegnì il rapport da la CPI e surdadas a las collavuraturas ed als collavuratur da l'administraziun per las applitgar?
2. Tge plauns directivs èn vegnids preparads meglier ils ultims 12 mais tras coachings e tras furmaziuns supplementaras per il mintgadi directiv?
3. Ha il departament er reconuschì las recumandaziuns per meglierar la situaziun giuridica e preparà in'eventuala basa legala?

Tavau, ils 9 da december 2020

Danuser, Aebli, Bettinaglio, Buchli-Mannhart, Clalüna, Ellemunter, Hardegger, Hefti, Hohl, Lamprecht, Michael (Donat), Müller (Susch), Niggli-Mathis (Grüsch), Papa, Tanner, Widmer (Favugn), Widmer-Spreiter (Cuir), Patzen